

**Portørit tarnikkut atugarisaat pillugit Naalakkersuisut ukioq 2022 naatinnagu nalunaarusioqqullugit peqquneqarnissaanik Inatsisartut aalajangiiffigisassaattut siunnersuut. Nalunaarusiami atugassarititaasut pitsanngorsarnissaannut anngaasaqarnikkut sunniutaasussat ilanngunneqassapput.**

*(Inatsisartunut ilaasortaq Doris Jakobsen, Siumut )*

pillugu

**Ilaqutariinnermut Peqqissutsimullu Ataatsimiititaliap**

**siunnersuutip aappassaaneerneqarneranut**

**ISUMALIUTISSIISUTAA**

Ataatsimiititaliap suliarinninnermini uku ilaasortarai:

Inatsisartunut ilaasortaq Agathe Fontain, Inuit Ataqtigiit, siulittaasoq  
Inatsisartunut ilaasortaq Anna Wangenheim, Demokraatit, siulittaasup tullia  
Inatsisartunut ilaasortaq Mikivsuk Thomassen, Inuit Ataqtigiit  
Inatsisartunut ilaasortaq Knus Mathiassen, Inuit Ataqtigiit  
Inatsisartunut ilaasortaq Mette Arge-Hammeken, Naleraq  
Inatsisartunut ilaasortaq Jess Svane, Siumut  
Inatsisartunut ilaasortaq Mala Høy Kukó, Siumut

UKA2021-imi novemberip 4.-ani siullermeerinerup kingorna siunnersuut ataatsimiititaliap misissorpaa.

### **Siunnersuutip imarisaa siunertaalu**

Portørit sulinnermini tarnikkut atugarisaat pillugu 2022-i naatinnagu Naalakkersuisut qulaajaanissaat nalunaarusiornissaannillu siunnersuutikkut matumuuna siunnersuuteqartup kissaatigaa. Siunnersuummi tunngavilersuutigineqarpoq, portørit suliaasa ilagimmatigit amerlanertigit siulliullutik ajutoorujussuortoqartillugu, imminnut toqussimasoqartillugu assigisaanullu siulliullutik apuuttarmata, tamakkulu suliffimmini tarnikkut atukkamikkut pitsaanngitsumik sunnerneqaatigisinnaasarpaat. Portørit atugaasa pitsaanerulernissaannut suliniutinik naleqquttunik saqqummiussinissamat tunngavilersuutitut nalunaarusiaq siunnersuuteqartut atorniarpaa.

**Siunnersuutip Inatsisartunit siullermeerneqarnera**

Siunnersuut tigulluarneqarpoq Naalakkersuisullu allannguutissatut siunnersuummik imaattumik saqqummiussaqaarlutik:

*"2022 naannginnerani Peqqinnissaqarfimmi portørit sulisullu allat attuumassuteqarsinnaasut tarnikkut sulinermi avatangiisai pillugit Naalakkersuisut nalunaarusiornissaanik Inatsisartut aalajangiiffigisassaatur siunnersuut. Atugassarititaasut pitsanngorsarniarlugit aningaasartuutissat nalunaarusiami missingersorneqassapput"*

Atassut aamma imaattumik allannguutissatut siunnersuummik saqqummiussaqaarpoq:

*"Nunatsinni portørit inuttut sulinerminni nalaattagaat, sulinermilu atugassarititaasut pillugit pitsanngorsaavigineqarnissaannut Naalakkersuisut pilersaarusiussasut UKA2022-imi agguanneqartussamik, nalilersuinermi ilaatigut ilanngunneqassalluni nunatta ilumut nammineq aningaasatigut nammassinnaaneraat"*.

**Siunnersuutip aningaasatigut kingunerisassai**

Inatsisartut suleriaasianni § 33, imm. 1-imi allassimavoq aalajangiiffigisassatut siunnersuutip piviusunngortinneqarnissaanut aningaasatigut allaffissornikkullu kingunerisassai siunnersuummut tunngavilersuutinut allanneqassasut.

Siunnersuutip piviusunngortinneqarnissaanut aningaasatigut kingunerisassat matumani allanneqarsimaneri siunnersuummut naapertuunna, taamaalilluni pilersaarut AC-fuldmægtigip ukiup affaanik akissarsiaasa nalinginik 250.000 kr.-inik akeqarnissaa ataatsimiititaliamit tusaatissatut tiguneqarpoq.

**Apeqquteqaatit**

Siunnersuummik ataatsimiititaliap sulinerminut atugassaminik apeqqutit Peqqissutsimut Naalakkersuisumut akeqqullugit ataatsimiititaliaq nassiussaqaarput. Ataatsimiititaliap apeqquteqaatai Naalakkersuisullu akissuteqaataat isumaliutissiisummut matumunnga ilanngussatut ilanngunneqarput.

**Ataatsimiititaliap siunnersuummik suliarinninnera**

Naalakkersuisut allannguutissatut siunnersuutaannut tunngatillugu nalunaarusiami portørit kisimik pineqanngitsut, peqqinnissaqarfimmili sulisut susassaqaartut allat aamma pineqartut ataatsimiititaliamit maluginiarneqarpoq. Susassaqaartut allat peqataatinneqarnissaannut tunngaviusoq tassaasoq, suliffimmi tarnikkut atugarisat aqunneqarsinnaanissaannut ilinniartitaaneq suliamillu ilisimasaqarnissaq pingaaruteqartoq Peqqissutsimut Naalakkersuisut

akissuteqaataanni allassimavoq. Taamaattumik sulisut sivikitsumik ilinniagaqarsimasut ilinniagaqarsimanngitsulluunniit nalunaarusiami sammineqarnissaat pissusissamisoortut nalilerneqarpoq. Annertunerusumik nukinnik atuiffiunissaanik kinguneqarnaviannngitsut akissuteqaammi ilanngullugu oqaatigineqarpoq.

Ullumikkut neqeroorutaasartuni portørinut tarnikkut ikiueqqaarnissamut neqeroorutit naammannersut akissuteqaammi ataatsimiititaliamit ujjartorneqarpoq. Tamanna nalileruminaatsoq, nalunaarusiassamili tamanna ersarinnerulerumaartoq Naalakkersuisut akissuteqaataanni allassimavoq. Tassunga ilanngullugu, Nuummi imaluunniit illoqarfinni allani sulinerup nalaani suliffimmi tarnikkut atugarisatigut neqeroorutinik soqannginneranik nalunaaruteqartoqarsimanngitsoq Naalakkersuisut aamma oqaatigaat.

#### **Atassummit allannguutissatut siunnersuut**

Atassutip allannguutissatut siunnersuutaanut tunngatillugu, kalaallisuuata danskisuuatalu oqaasertamikkut imminnut naapertuutinnginnerat ataatsimiititaliamit maluginiarneqarpoq.

#### **Ataatsimiititaliap inassuteqaatai**

- *Ataatsimiititaliap isumaqatigiittup* Naalakkersuisut allannguutissatut siunnersuutaat akuerineqarnissaa inassutigaa
- *Ataatsimiititaliap isumaqatigiittup* Atassutip allannguutissatut siunnersuutaat itigartinneqarnissaa inassutigaa

Taamatut oqaaseqarluni isumaliutissiisummilu allassimasutut paasinnilluni matumuuna siunnersuut ataatsimiititaliap aappassaaniigassanngortippaa.



Siulittaasoq  
Agathe Fontain



Siulittaasup tullia  
Anna Wangenheim




Mikivuk Thomassen




Knud Mathiassen




Mette-Arge Hammeken



Jess Svane



Mala Høy Kukó



INATSISARTUT

Peqqissutsimut Naalackersuisoq  
[pn@nanog.gl](mailto:pn@nanog.gl)

Ulloq: 15-11-2021

J.nr.:01.38.01.03-00147

### Immikkoortoq 56 pillugu Ilaqutariinnermut Peqqissutsimullu allakkatigut apeqquteqaat

Immikkoortup siullermeerneqarnerani Naalackersuisut allannguutissatut siunnersuutaat pillugu Ilaqutariinnermut Peqqissutsimullu Ataatsimiititaliaq itisilertillugu matumuuna apeqquteqarniarpoq.


1. Naalackersuisut allannguutissatut siunnersuuteqarnermikkut kissaatigaat, portørit saniatigut, peqqinnissaqarfimmi sulisut allat nassuiaammi UKA2022-imi saqqummiunneqartussatut naatsorsuutigineqartumi ilaatinneqarnissaat. "Sulisut attuumassuteqarsinnaasut" nassuiarneqarnissaa pillugu Naalackersuisoq qinnuigineqarpoq. Assersuutigalugu peqqissaanermik suliaqartut peqqissaanikkullu ikiortit taaneqarmata.
2. Amerlanerusunik aningaasartuutaassava siunnersuutaaqqaartumi missingiinnermut sanilliullugu annertunerusunik atuilernermik kinguneqassava?
3. Naalackersuisut akissuteqaataanni oqaatigineqarpoq tarnikkut ikiueqqaartoqartartoq. Naalackersuisut paasissutissiissutigisinnaavaat portørinut ikiueriaaseq taamaattoq naammannersoq?
4. Qulaani apeqqutigineqartumi portørit Nuummi sulisut aammalu illoqarfinni allani sulisut sulinerminni atugassarititaasa assigiinngissuteqarpat, soorlu tarnikkut ikiueqqaarnemi neqeroorutinik?

Apeqqutigineqartut qulaani taaneqartut (kalaallisut danskisut) allakkatigut piaartumik akineqarnissaat ataatsimiititaliamit qinnutigineqassaaq. Akissuteqaat qarasaasiakkut ataatsimiititaliap allattaanut ([mika@ina.alla.gl](mailto:mika@ina.alla.gl))-mut aamma ([inatsisartut@inatsisartut.gl](mailto:inatsisartut@inatsisartut.gl))-mut nassiunneqarnissaa qinnutigineqarpoq.

Qujareerlunga,

Ilaqutariinnermut Peqqissutsimullu Ataatsimiititaliaq sinnerlugu

Inussiarnersumik inuulluqqusillunga

  
Agathe Fontain

Ataatsimiititaliap siulittaasua



## Ilaqutariinnermut Peqqissutsimullu Ataatsimiititaliap apequteqaataannut akissuteqaat

Peqqinnissamut Naalakkersuisoq, Kirsten Fencker saaffiginnissumut qujavoq. Ilaqutariinnermut Peqqissutsimullu Ataatsimiititaliap apequtai ataani uteqqillugullu akissuteqarfigissavai.

1. Naalakkersuisut allannguutissatut siunnersuuteqarnermikkut kissaatigaat, portørit saniatigut, peqqinnissaqarfimmi sulisut allat nassuiaammi UKA2022-imi saqqummiunneqartussatut naatsorsuutigineqartumi ilaatinneqarnissaat. "Sulisut attuumassuteqarsinnaasut" nassuiarneqarnissaa pillugu Naalakkersuisoq qinnuigineqarpoq. Assersuutigalugu peqqissaanermik suliaqartut peqqissaanikkullu ikiortit taaneqarmata.

19-11-2021  
Sags nr. 2021 - 20356  
Akt nr. 18518366

Postboks 1160  
Tlf: 34 50 00  
Fax: 34 55 05  
3900 Nuuk

Email: [pn@nanoc.gl](mailto:pn@nanoc.gl)  
[www.naalakkersuisut.gl](http://www.naalakkersuisut.gl)

### **Akissut:**

Peqqinnissaqarfimmi sulisorpassuit allat ilaatigut sakkortuunik nalaataqartarput, tamannalu tarnikkut sunniisinnaasarluni. Tarnikkut artornartunik suliaqarneq eqqarsaatigalugu naleqquttumik ilinniagaqarsimanissaq aammalu suliamut piginnaasaqarnissaq pingaaruteqarluiinnartutut illersuutissatullu nalilerneqarput. Tamanna sulisunut tamanut sulinerminni sakkortuunik nalaataqartartunut atuuppoq.

Peqqinnissaqarfik arlalinnik sivikitsumik ilinniarsimasumik imaluunniit ilinniagaqarsimanngitsumik sulisoqarpoq. Tassani ilaapput portørit, peqqissaanermik suliaqartut, peqqissaanikkut ikiortit aamma ilinniagaqanngitsut il.il.. Taamaattumik Naalakkersuisut isumaqarput Peqqinnissaqarfimmi nalunaarusiortoqarnissaanik pisariaqarluiinnartoq, tamanna Peqqinnissaqarfimmi sulisut sivikinnerpaamik ilinniagalinnut ukkatarinnissaaq.

2. Amerlanerusunik aningaasartuutaassava siunnersuutaqaartumi missingiinnermut sanilliullugu annertunerusunik atuilernermik kinguneqassava?

### **Akissut:**

Naalakkersuisut naatsorsuutiginnigilaat ukkatarineqartut annertusineratigut aningaasatigut annertunerusumik atuilertoqarnavianngitsoq. Taamaattumillu naatsorsuutigineqanngilaq sulisut allat ilanngunneratigut nalunaarusiap minnerusumik imaqalernissaa. Nalunaarusiaq atugassarititaasut pitsanngorsarniarlugit aningaasaqarnikkut kingunerisassanik missingersuummik ilaqassaaq.

Nalunaarusiap inernerata takutippagu atugassarititaasut pitsanngorsartariaqarneranik, taava aningaasartuutaasinnaasut amerlassusaat sulisut suliniummut nutaamut peqataasussat amerlassusaat apeqqutaalissaaq. Pitsanngorsaatissanut aningaasaliissutit ilaatigut aningaasanut inatsimmut isumaqatiginninniutigineqartariaqassapput.

3. Naalackersuisut akissuteqaataanni oqaatigineqarpoq tarnikkut ikiueqqaartoqartartoq. Naalackersuisut paasissutissiissutigisinnaavaat portørinut ikiueriaaseq taamaattoq naammannersoq?

**Akissut:**

Maannamut neqeroorutaasoq naammannersoq ersarissumik takuneqarsinnaanngitsoq Naalackersuisut nalilerpaat. Sulisut ataasiakkaat tamanna nammineq isummersortussaassavaat. Taassuma saniatigut tarnikkut ikiueqqaarnerup annertussusaa tarnikkut artornartunik misigisartakkat annertuussusaannut apeqqutaalluinnassaaq.

Naalackersuisut naatsorsuutigaat nalunaarusiaq kissaatigineqartoq ersarinnerusumik akissutissarsiffigineqarsinnaasoq maannamut neqeroorut naammannersoq imaluunniit pitsaangorsaatisanik pisariaqartitsisoqarnersoq.

4. Qulaani apeqqutigineqartumi portørit Nuummi sulisut aammalu illoqarfinni allani sulisut sulinerminni atugassarititaasa assigiinngissuteqarpat, soorlu tarnikkut ikiueqqaarnermi neqeroorutiniq?

**Akissut:**

Ilisimatitsissutigineqarsinnaavoq portørit sulinermi qanoq pisoqarsimaneq tunngavigalugu qaqugukkut sulisut marluusarnissaat pillugu sumiiffimmi isumaqatigiissuteqarmata. Sulinermi sakkortuumik pisoqarsimatillugu assersuutigalugu peruluttoqarpat, toqusoqarsimappat aamma imminut toqussimasoqarpat il. Il. portørit, ilaatigulli allamik suliaqartartumik ilaasoqartarput.

Peqqinnissaqarfiup ilisimatitsissutigaa sulisut sulinerup nalaani tarnikkut artornartumik misigisaqarsimappata periutsit defusing aamma debriefing atorpeqartartut. Naalackersuisut illoqarfinni periutsit defusing aamma debriefing atorpeqartannginneranik paasissutissamik tigusaqarsimangillat.

Inussiarnersumik inuulluaqqusillunga

Med venlig hilsen



Kirsten Fencker